



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-2995/09  
Sarajevo, 6.1.2010. godine

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO: 8.1.2010.			
Organizaciona jedinica	Klasifikaciona oznaka	Redni broj	Broj priloga
01-50-1-15-59		09	

**PARLAMENTARNA SKUPŠTINA**  
**BOSNE I HERCEGOVINE**

*- Zastupnički dom -*

**SARAJEVO**

**PREDMET:** Odgovor na zastupnička pitanja – dostavlja se

Vijeće ministara Bosne i Hercegovine, na 110. sjednici održanoj 30.12.2009. godine, utvrdilo je Odgovor na zastupnička pitanja koja je Adem Huskić, zastupnik u Zastupničkom domu Parlamentarne skupštine Bosne i Hercegovine, postavio na 59. sjednici ovog doma održanoj 2.9.2009. godine.

U pravitku dostavljamo Odgovor uz molbu da isti uručite zastupniku.

S poštovanjem,



GENERALNI TAJNIK

Zvonimir Kutleša



**BOSNA I HERCEGOVINA  
VIJEĆE MINISTARA**

Broj: 05-50-2995/09  
Sarajevo, 30.12.2009. godine

Adem Huskić, poslanik Predstavničkog doma Parlamentarne skupštine Bosne i Hercegovine, na 59. sjednici Predstavničkog doma održanoj dana 02.09.2009. godine postavio je sljedeća poslanička pitanja:

„ 1. Koliko se lica osuđenih zbog nelegalne sječe šume nalazi na izdržavanju kazne zatvora?

2. Koliko lica osuđenih za teška krivična djela čeka na izdržavanje zatvorske kazne zbog nedostatka zatvorskih kapaciteta?,,

Na poslaničko pitanje, Savjet ministara Bosne i Hercegovine, shodno članu 37. Zakona o Savjetu ministara Bosne i Hercegovine („Sl. glasnik BiH, broj: 38/02) na 40. sjednici održanoj dana 30. 12. 2008. utvrdio je sljedeći

**ODGOVOR**

U pripremi odgovora na poslanička pitanja, odnosno prikupljanja svih relevantnih informacija koje bi omogućile da se adekvatno odgovori na poslaničko pitanje, Ministarstvo pravde Bosne i Hercegovine zatražilo je podatke od Suda BiH, Federalnog ministarstva pravde, Ministarstva pravde Republike Srpske i Brčko Distrikta Bosne i Hercegovine.

1. Na osnovu informacije koju je dostavilo Federalno ministarstvo pravde, u Federaciji Bosne i Hercegovine nalaze se 53 lica koja izdržavaju kaznu zatvora zbog nelegalne sječe šume, a po zavodima stanje je sljedeće:

KPZ ZT Zenica- 14 lica

KPZ PT Sarajevo- 3 lica

KPZ PT Mostar- 4 lica

KPZ PT Tuzla- 7 lica

KPZ PT Bihać- 6 lica

KPZ PT- Odjeljenje u Busovači- 19 lica

U Republici Srpskoj su se na izdržavanju kazne zatvora u kazneno popravnim ustanovama Republike Srpske na dan 29.10.2009. godine, nalazila 2 osuđena lica koja izdržavaju kaznu zatvora zbog nelegalne sječe šume, a tokom 2008 godine 11 lica izdržavalo je kaznu zatvora zbog nelegalne sječe šume.

U Brčko Distriktu Bosne i Hercegovine nijedno lice se ne nalazi na izdržavanju kazne zatvora zbog krivičnog djela- pustošenja šuma i krivičnog djela – šumske krađe.

2. Prema izvještaju stručnog saradnika za izvršenje krivičnih sankcija Suda BiH nema lica koja su osuđena odlukama Suda BiH, a koja čekaju na upućivanje izdržavanja izrečenih kazni zatvora.

U Federaciji Bosne i Hercegovine prema informacijama Federalnog ministarstva pravde, sva osuđena lica koja na izdržavanje kazne zatvora idu iz pritvora, a radi se uglavnom o teškim krivičnim djelima, upućuju se na izdržavanje kazne, čim se ispune zakonski uslovi za upućivanje i niko od tih osuđenih lica nije vraćen iz zavoda zbog nedostatka smještajnih kapaciteta.

Tačnim podacima o broju osuđenih lica za teška krivična djela koja čekaju na izdržavanje kazne zatvora zbog nedostatka kapaciteta raspolažu samo sudovi, ali bitno je istaći da su donošenjem izmjena Pravilnika o upućivanju osuđenih lica na izdržavanje kazne, stvoreni uslovi za upućivanje osuđenih lica u zavode u druge kantone, ukoliko se pojave slobodni kapaciteti, čime je smanjen broj osuđenih lica koja na izdržavanje kazne zatvora idu sa slobode.

Zavodi u FBiH su prebukirani i evidentan je manjak zatvorskih kapaciteta, što je uzrokovano i nepostojenjem državnog zatvora, zbog čega osuđena lica kojima je kaznu zatvora izrekao Sud BiH, kaznu zatvora izdržavaju u zavodima FBiH.

U Republici Srpskoj nije izražen problem nedostatka smještajnih kapaciteta u kaznenopopravnim ustanovama, te shodno tome nema ni osuđenih lica koja za teška krivična djela čekaju poziv na izdržavanje kazne iz razloga popunjenosti kapaciteta, navodi se u informaciji Ministarstva pravde Republike Srpske.

U Brčko Distriktu BiH nema lica koja čekaju na izdržavanje kazne zbog nedostatka zatvorskih kapaciteta, prema podacima iz informacije dostavljene od strane Pravosudne komisije Brčko Distrikta BiH odnosno Osnovnog suda u BD BiH.